

HEP cungkil bakat pelajar UMS dalam kesenian

U13 31.10.2019 15

KOTA KINABALU:

Sebanyak enam kolej kediaman UMS berjaya menyertai Pertandingan Kesenian Intercollege bagi Kategori Tarian Moden anjuran Bahagian Kebudayaan dan Kesenian JHEP.

Kolej yang terlibat adalah Kolej Lestari Sandakan, Kingfisher, Non-Resident, Usia 1B, Tun Mustapha dan Tun Fuad.

Juara pertandingan ini disandang oleh kumpulan dari Kolej Kediaman Tun Mustapha, naib juara dari Non-Resident dan tempat ketiga, Kolej Kediaman Tun Fuad di mana masing-masing menerima hadiah piala, sijil penyertaan dan hamper.

Kesemua pemenang ini diadili oleh juri-juri hebat dan berpengalaman dari kota Kinabalu.

Hadiah Pertandingan disampaikan oleh Pengetua Kolej Kediaman UMS Wijaya Kamal dan Ketua Bahagian Kebudayaan dan Kesenian HEP Alan James.

Turut hadir sama Norain Abd Razak selaku penyelaras program, felo-felo kolej kediaman dan kakitangan JHEP.

Ternyata program ini dapat mencungkil bakat-bakat baharu dari kalangan pelajar UMS yang berminat dalam bidang kebudayaan dan kesenian.